

# Нүүрснэ шин районд

СМОЛЕНСК. Нүүрснэ Сафонск район— одахн шин медгддж гарч ирв. Цөөкн джил хооран энүнд Смоленщинэ түрүн шахт эклдж кōдллэ. Ода тōгәлнъ шахтсин тосхлтс дала. Областин эн өнцгин дүриг тедн икәр сольв. Сафонов гидг баахн селән ода эврәннь агъугъзн икдүләд, таньгдшго болдж өсв. Эн—промышленн балгъснд хүврв. Энүнд культурин дворец, музыкальн болн әмтн сургъуль сурдг школмуд, олд авхр шин гермүл бәәнә. Сафонов эргнд горняцк шин поселкс үүдәд, бас эн балгъсн мет өсәд сәәхрәд бәәнә.

Смоленчинд тавдгч болгч— шин шахт эн джил эклдж

нүүрс өгчәнә. Нүүрснә дакн нег предприятие дуусгддж, кōдлмшт орулгдхар белдгдлжәнә.

Түрүн авгтан смоленщинә горнякүд кōдлмшәрн ард хоцрад йовдгнъ багъ биш билә. 1957 джил тедн ик хүврлт кев. Шахтс шин оборудовань авцхав, кōдлмш шин янзар бүрдәгдәд, нүүрс гаргьдг кесгшин бригадс хамцулгдад, нүүрс ачлгъна кōдлмшин механизацинь икдв. Шахтс ода, ниднин джилнкәр болхла, суткдан 700 шаху тонн түлә икәр гаргъна. Гаргъсн нүүрсна үннь кимдрсн учрар, трест зурагъасн давулдж сай шаху арслнъ әрвдлж хоршав.